

Эхэ найхан нютагаа эб хамта мандуулаар!



БУРЯАД ҮНЭН

1921 оной
декабриин 21-һээ
гарана

Бүгэдэ
арадай
газетэ

1995
Ноябрь
2
Намарайһуудлаанной
һарын 10
ЧЕТВЕРГ
гарагай 5
№208 (19301)
Газетын сэн
хэлсээтэ.

Малай үбэлжэлгэ - харюусалгатай хаһа

ДУТАЛДАХАГҮЙЛ БАЙХА

Мүнөө намар нилээд хожомхон болотор дулаан байгашье хаа, нигээд удахагүй үбэлэй хүйтэнэй заха үзүүр хэзэһье үзэгдэжэ эхилхэл ааб да. Үбэлэй эхин - ноябрь нара тарба ха юм.

Тимэһээ энэ үедэ аймагай олонхи ажахынууд таряагаа хуряажа дүүргэһээр хүнүүдээ, машина, техникээ малай үбэлжэлгэдэ бэлдэхэ хүдэл-үридэ табижа байна. Наяхан таряашадай ажахынуудай Лениний нэрэмжэтэ нэгэдэлдэ абахадамни, үбһэ, зелёнко, болоомо тээһэн тэргэтэй тракторнууд харгыгаар ходелойралдаа бэлэй. Фермэ, хуряагуудта хуртнуудта хашаа, хорёо барилжа байһан хүнүүдһье тарбада.

Хэнэйһье мэдэхээр, үүрүшнээлжээдэ малай эдихэ тэжээл бараг хайн нөөсэлжэ

абаһан ажахынуудтал үбэлжэлгэ амжалтатайгаар дабагдахаха юм даа. Энэ талаар манай нэгэдэл байгша ондо үбһэ хоолоор яһала бараг үбэлжэлгыг эхилхэнь. Жэшээлхэдэ, энэ жэлдэ сабшалангай гектар бүриһөө 22 центнер үбһэ абажа, хамта 7000 центнер энэ бүдүүн тэжээл нөөсөлөөбди. Шэмэтэ тэжээлһье нёдондойхиһөө ехэ дарагдаа. Дүршэлтэй механизаторнууд Владимир Рыжакон, Павел Кушнарев, Родион Сластин болон бусад нүхэдэй оролдолгоор АВМ түхэлэй агрегат хайнаар хүдэлгэгдэжэ, 1700 центнер витаминтай ногооной гурил татагдаа. Энэ жэлдэ урда жэлэйхитэй сасуулхада, болоомо, зелёнко ехэ абтаа. Таряа талханайһье зүйл малда горитой талалха арга бии, - гэжэ ажахын ахамад агроном П. У.

Мальцев хөөрэнэ. Мэргэжэлтэдэйнь тоолоһоной ёһоор, бүхы тэжээлыг малай условно толгой бүхэндэ хубаажа үзэхэдэ, тэрэнь даб дээрэ 20 шахуу центнер тэжээлэй единица болохо үбһэ хоол нөөсөлгөдөө. Тэрээн дээрэ талха таряанай зүйлэй нэмэгдэхэдэ, үбэлжэлгын үедэ малда хүсэд хүрэхэ тэжээлтэй болохобди гэжэ эндэхид тоолоно. Ушарынь юуб гэхэдэ, таряалангай гектар бүриһөө 21-22 центнер ургаса абтажа, хамта 40 мянган центнер таряанай хуряагаһанай ашаар яһала ехэ орооһо малда талалжа үгэхэ аргатай. Гадна энэ үедэ малынь, үшөөл хээрын бэлшээридэ, таряанай нуурида адуулагдажа, горитой тэжээлһье алмагдахань ха юм. С. ТЮЛЮКИН. Тарбагатайн аймаг.

Удын шэнэ хүүргэ барилга тухай

"БОЛЗОРЫНЬ ХОЙШОЛУУЛАГДАЖА МАГАД"

Удэ гол дээгүүрхи хүүргэ мүнөөдэр республика доторхи барилгануудай шухала объект гэжэ хайн даабтаһанай үлүү гэжэ ханагдана. Шэнэ үүрүшнээлжээдэ малай эдихэ тэжээл бараг хайн нөөсөлжэ

үшөө нэгэ хубинь барилгын хэрэгсэл худалдан абалгада, үлөөшэ хубинь субподрядчигуудта үгтэхэ ёһотой. Барилгын мүнгэн хангай байдал тухай юрэнхы дээрэн тогтожо хэлэбэл, иимэ. Генеральна подрядчигта—34-дэхи отрядта түлэгдэхэ мүнгэнэй хэмжээн 6 миллиард түхэригтэ хүрэхэ. Үшөө 8 миллиард шахуу мүнгэнэй хэмжээнэй ажал хэгдэхэ ёһотой гэжэ Е. Я. Голод тэмдэглээ. Бензиндэ нэмэлтэ сэн тогтооһонһоо һарын 800 миллион түхэриг сугларһан байха юм. Правительствын зүгһөө барилгада 5 миллиард түхэригэй үнэтэ саарһан үгтэнхэй. Зүгөөр мүнөө бэшэ, 1996 оной февраль нарада энэ саарһан бодото сэнгээрээ мүнгөөр хэлгэгдэхээр хараалагдана. Барилгашадай тоолоһоор, нэн түрүүн хүүргэ дээгүүр транспортын ябаха гол харгы нээхэ шухала, харин барилгын бусад хүдэлмэри һүүлдэн бээлүүлжэ болоно. "Хэрбээ мүнгэнэй үгтэбэл, хэлсээтэ болзор соо барилга дүүргэхэбди,— гэжэ барилгашад нэгэн дуугаар мэдүүлнэ. Угы гэбэл, хүдэлмэригээ зогсоохо баатай болохобди". Энэ удаа үгтэхөөр найдуулагдаһан мүнгэн барилгашадыг ехээр баярлуулаһангүй. "Уе болоод лэ, үгэлгэ мэтэ бэшэ, харин хүдэлжэ олоһон мүнгэеэ дүүрэн хэмжээндэн, саг соонь абадаг хаа, ямар урматайгаар ажал хэгдэхэ һэн бэ!"— гэжэ барилгашад нэгэн дуугаар мэдүүлээ һэн. Т.ЦЫРЕНОВА.

СОЛОНГОС - БУРЯАД ЭБЛЭЛЭЙ УРИЛГААР

Буряад Республикын Президент А. В. Потапов хайн дуранай солонгос-буряад эблэлэй урилгаар эдэ үдэрнүүдтэ Солонгос Республика ошонхой. Энэ ороноор ябаха үедөө Правительствын толгойлогшо Солонгос Республикын ба Буряад Республикын хоорондоху экономика харилсаа саашадань хүгжөөхэ арга боломжнуудыг хаража үзэхэ. Буряад Республикын Президент А. В. Потаповтай Президентын зүбшээлэгшэ Н. И. Атанов, экономикын министрэй уялга дүүргэгшэ А. И. Мельниктай хой. Делегациин бүридэлдэ мэдээжэ бизнесмен Брэндон О гэгшэ ороно. Буряад Республикын Президентын болон Правительствын хэлбэлэй албан.

Декабриин 17-һунгалтын үдэр БУРЯАД РЕСПУБЛИКЫН ҺУНГУУЛИН КОМИССИДА

Россин Федерациин Түбэй хунгуулин комиссиин абаһан тогтоолой ёһоор нэгэ мандадтай хунгуулин округһоо Гүрэнэй Дүүмын депутадта кандидадууд хунгалтын урда тээхи ойлгуулан идхалгын материалнуудаа түлбэриггүйгөөр олондо мэдээсэл тараадаг гүрэнэй хэрэгсэлнүүдтэ толилуулха, телерадио-дамжуулануудта хабаадаха эрхэтэй юм. Тиин "Бурятия", "Буряад үнэн" һонинуудай хуудаһанууд дээрэ депутадта кандидатуудай материалнуудыг толлохо, республикын телевиденээр ба радиогоор түлбэриггүй ба түлбэриггүй дамжуулануудыг хэхэ график табиһын тула олондо мэдээсэл тараадаг эдэ хэрэгсэлнүүдэй хүтэлбэрилэгшэд Гүрэнэй Дүүмын депутадта кандидатууд, тэдэнэй түлөөлэгшэдэй дунда Буряад Республикын хунгуулин комиссиин гэшүүдэй байхада жэрэб таталга хаяхан үнгэргэбэ. Гүрэнэй газетэнүүдэй редакцинуудай ба телерадиокомпаниин хүтэлбэрин табиһан графигуудыг Буряад Республикын хунгуулин комисси баталһан байна. С. РИНЧИНОВ.

КАНДИДАДАЙ БЭШЭГ

Депуадта кандидатай эрхэ түлөөлэгшэнүүдэ намайе боллоуба гэхэншүү хураг суу ехээр нэмээгдэхэн зүйл байба гэжэ хунгагшадтаа дуулахамни. Буряадай Демократическа партиин гэшүүн, господин Галиндабаевай мэдүүлгэ соо дурдагдаһан баримтанууд зүб бэшэ байба гээд хунгуулин комиссиин үнгэргэхэн шалгалтаар элирүүлэгдэбэ. Республикын МВД-гэй ВТК-гай 1-дэхи хургуулида гар табилгыг суглуулахда, хуули бүдүүлгээр эбдэгдэбэ гэжэ заагдаагүй байһан гээд тэмдэглэхэ ёһотойб. Уур сухалда абтангүйгөөр ухаан бодолоороо шүүжэ үзөөд, 25-30 хунгагшадтай дуугай түлөө нэрээ хухалхая оролдохогүй байһамни элирнэ (6610 хунгагшадтай гар табилгын орондо 15 мянган хунгагшадтай гар табилгатай хуудаһанууд сооһоо шанга шалгалтаар 11976 гар табилгатай хуудаһан зүб гэжэ тоологдожо гаргагдаһан юм). Мүнөөнэй хунгалтын урда тээхи кампани үрдилдэлгын шанга эрхэ байдалда үнгэргэгдэжэ байбашье, үнэн сэхэ тэмсэл ябуулжа боломоор байна. Нэгэ талаһаань абажа харахада, үрдилдэлгын "урилдаанда" түрүүлжэ болохо гэжэ ханаһандань, Галиндабаевта баяр хүргэлсэхэ зуураа, тэрэнэй хуушан арга хэрэглэн, зэргэлжэ байһан хүндэ һэжэг түрүүлжэ, харгынь хааха гэхэн хэдэлгэн бирагүй ябадал гэжэ тоолоно. Тэрэнэй бэшэһэн мэдүүлгыг олондо мэдээсэл тараадаг хэрэгсэлнүүдэй түлөөлэгшэдэй байхада, Галиндабаевай бэшэгыг намда, депутадта кандидатадта харууланшьегүйгөөр хунгуулин комиссиин түрүүлэгшэ Н. М. Цыганковагай соносхожо байхань бүришье гайхалтай байба. Тийгэжэ минии эрхэ хаһагдаһан байна гэшэ. Минии ханахада, хунгуулин комиссиин түрүүлэгшэ иимэ хүшэрхэн үе сагта юумэ дэбэргэхэгүй, болгоомжотой байха ёһотой һэн гэжэ ханагдана. Гэхэтэй хамта Буряад Республикын хунгуулин комиссиин түрүүлэгшэ Н. М. Цыганковагай эзэлжэ байһан тушаалдаа тааралдадаг тухай асуудал хаража үзэхэ хэрэгтэй гэжэ тоолоно. Буряадай нэгэ мандадтай 9-дэхи округһоо би, В. И. Марков, Федеральна Суглаанай Гүрэнэй Дүүмэдэ депутадта кандидатаар бүридхэлдэ абтажа, сагааруулагдаба гэшэ бээбэ. Гэбэшье минии нэрэ, намайе депутадта кандидатаар дэбжүүлһэн хунгагшадтай этигэл найдабари, нэрэ хүндэ ойлгосогүй гэхэншүү болоо ха юм. В. МАРКОВ, Федеральна Суглаанай Гүрэнэй Дүүмын депутадта кандидат.

Забайкалиин шэмээшэгүүдэй соёлой үдэрнүүд



ЗАНШАЛАА МАРТАНГҮЙ

Һаяхан Улаан-Үдэ хотын филармонин концертнэ зал соо Забайкалиин шэмээшэгүүдэй соёлой үдэрнүүдэй оршомдо шэмээшэгүүдэй фольклорно фестиваль нээлгын баяр ёһолол үнгэрөө. Загарайн аймагай "Тусенки", Бэшүүрэй аймагай "Васильки", Улаан-Үдэ хотын 26-дахи дунда хургуулиин "Родничок" ансамбль болон фольклорно бусад арбаад бүлгэмүүд концерт харуулаа.

Эдэб янзын эрээ марьян, алагар-тологор хубсаһатай үхибүүд хонгоо хоолойгоор дуулаа дуулан, омог дорюунаар хатаран, олоние хүхээгээ даа. Тэндэ сугларһан зоной дунда Сибириин эрдэмэй түбэй эрдэмтэ хүдэлмэрилэгшэ Фирс Колонев, соёлой министрэй ариолтош Анаголий Пискунов, Бэшүүрэй аймагай захиргаанай дуулаа Григорий Павлов ба бусад хүндэтэ айлшад байгаа. Г. А. Павловай өөрингоо аймагай үхибүүдые дэмжэжэ, концерт нааданда хабаадалсаһаниинь урматай хэн. Бэшүүртэ уран найханай талаар хүдэлмэри дэбхитэйгээр дэлгэрүүлэгдэжэ, эдир артистнарайнгаа аза талааниие үнэн зүрхэнһөө иргэхэ, дэмжэхэнь хайн лэ дэвшэ.

Загарайн аймагай "Рябинушка" ансамблие хүтэлбэрилэгшэ Олег Павлович Сименов энээн тухай зүб тэмдэглээ. "Бэшүүрэймнай артистнарайн концерттын хубсаһа дуулар найхан, тобор оёгдоһон байла. Хатар, нааданайныше талаар бэддэгэнь хайн" гэжэ тэрэ мэдүүлэб.

Нээрээшье, бэшүүрэйхид тайзан дээрэ дорюунаар дуугаа татан, өөрын онсо маягтайгаар хатаралдан, дэбхэрэлдэн гаража эрэн. Шэмээшэг аялгаар гүйсэдэ дэлдэһэн шог ёгто багахан зүжэг аздахадань, ёһотойл бэлиг чадаари харуулагдаба гэжэ тэмдэглэхээр бэлэй. Үхибүүд тэрэ маягаараа, абарн хатаралһань бусадһаа илгаатай концерт тэбиб.

Загарайн Шэнэ-Бэрээн нютагай "Рябинушка" ансамблиин эдиршүүлэй "Посиделки" наадые баһал онсо тэмдэглэхээр хэн. Эдэнэр Бэшүүрэй үхибүүдхээ дугуугүй концерт-наада харуулаа. 1988 ондо эмхидхэгдэһэн "Рябинушка" Эрхүү, Красноярск хотонуудаар уран бэлигээ харуулан. Тэдэ Улаан-Үдэ хотодоо, республикынаа аймагуудаар ябажа, яһала зондоо мэдээжэ болоһон юм байна.

Концертнэ зал соо болоһон хэмжээ ябуулагада бусадшые бүлгэмүүдэй хүүгэдэй хатар, наадан харагшадта мүн лэ һонирхогдоо, алыа ташалгаар утгадаа. Жэһээнь, Тарбагатайн аймагай "Черпачок" ансамблиин гэшүүд Муром хотын ойн баярта, 1992 ондо Бүхэроссин уран найханай фестивальда хабаадалсаһан намтартай. Үхибүүд нютагайнгаа үбгэд, хүгшэдтэ заалгажа, урданай дуунуудые, зугаа наада бэшэжэ абаад, гүйсэдхэдэг заншалтай. "Ансамбльдаа жэл бүри

багашуулые нэмэжэ абадагбди. Дуу, хатарта дурагай хүбүү, басагад нютагтамнай үсөөн бэшэ. Аймагаймнай захиргаан маанадтаа туһалдаг, концерт харуулхаяа ошоходомнай, мүнгоор хангадаг, машина ходоодоо үгэдэг. Республика соогоо бэшэ аймагуудай шэмээшэг үхибүүдэй ансамбльнуудтай хани харилсаатай байдагбди, бэе бөөдээ ябалсадагбди. Ерэхэ жэлдэ бултадаа сугларжа, тоосоото концерт харуулхаяа түсэблэнбди, гэжэ "Черпачок" ансамблие хүтэлбэрилэгшэ Сергей Родионович Чебулин хэлэнэ.

Эдэ үхибүүд түрэл арадайнгаа урданай заншалые алдангүй, саашань улам хүгжөөжэ, үшөөл оло дахин хүн зоноо гоё найхан дуунуудаараа, хатар наадаараа баясуулхань лабтай.

Е. ЦЫБЕНОВА.
ЗУРАГ ДЭЭРЭ: Шэнэ-Бэрээн нютагай "Рябинушка" ансамбль.
 М. ШАНТАКОВОЙ фото.



УРАН ДАРХАШУУЛАЙ НАРИН БҮТЭЭЛНҮҮД

Эдэ үдэрнүүдтэ Улаан-Үдэ хотымнай талмайнууд дээрэ шэмээшэг фольклорно коллективүүдэй уулзалганууд, концертнүүд үнгэрөө. Октябриин 27-ной үдэр уран найханай музейн урда тээхи талмай дээрэ шэмээшэг ансамбльнуудай артистнуудай дэлгээһэн наада зугаае олон зон хараһан байна. Энэ үдэр Ц. Сампиловай нэрэмжэтэ уран найханай музейн залнууд соо шэмээшэгүүдэй соёлой түбүүдэй урлалай выставкэ нээлгэ баярай оршон байдада үнгэрөө.

Буряад Республикын соёлой габыата хүдэлмэрилэгшэ Е.Х. Гомбоин шэмээшэгүүдэй түлөөлэгшэдые сэнхир хадагаар уран абаа. ВАРК-ын түрүүлэгшэ, манай республикын мэдээжэ уран зурааша Д.Н. Д. Дугаров түрүүлэн үгэ хэлэхэдээ, ехэ удха шанартай үйлэ хэрэгэй боложо байһые тэмдэглээ.

- Үндэһэтэдэй соёлой үдэрнүүдэй заншалта болоһониинь хайшаалтай. Буряад ороной соёлые хүгжөөлгэдэ, баяжуулгада Забайкалиин шэмээшэгүүдэй оруулан хубита ехэ, гэжэ ВАРК-ын түрүүлэгшэ хэлэһэн байна. Удаань выставкэ нээлгэдэ хабаадажа байһан шэмээшэг коллективүүдтэ хандан, эдэ үдэрнүүдтэ мэдээ шадабарияа, бэлиг талаангаа түгэс дүүрэн харуулхыень тэдэниие уряалаа.

Россин габыата артистка К. Шулунова шог дуунуудые дуулажа, эндэ сугларһан зоние баярлуулан байха юм. Уран зурааша М. Я. Метелкина, Тарбагатайн шэмээшэгүүдэй арадай хоорой гэшүүн В. Г. Красногорова гэгшэд мүн лэ баярай үгэнүүдые хэлээ.

Удаань эндэ сугларагшад музейн выставкын залнууд соо орожо, шэмээшэгүүдэй

ажабайдалай хэрэгсэлнүүдтэй, урлалай зүйлнүүдтэй танилсаа. Выставкын нэгэ таһагта этнографическа музейһээ асарагдаһан XIX-XX зуун жэлнүүдтэ бүтээгдэһэн бодото зүйлнүүд табигдаба. Эндэ шэмээшэгүүдэй түүхын баримтануудые харуулан стэнднүүдхээ болон фото-зурагуудһаа гадна, шэмээшэгүүдэй урдань тон үнэтэй торгон бүдөөр оёгдодог байһан алаг-эрээн хубсаһан, эхэнэрнүүдэй гоёлто зүүдхэл, шэмээшэгүүдэй урлалай зүйлнүүд дэлгээгдэһэн байна.

Музейн бусад залнууд соо республикын эддэб аймагуудһаа шэмээшэгүүдэй өөһэдэйн асарһан зүйлнүүд табигдаа. Үйһөөр хэгдэһэн түйсэ, үлгы, самовар, поһоо ээрэдэг түхээрэлгэ - эдэ бүгэдэ заншалта ёһоор оёгдоһон, бүтээгдэһэншые наа, зүгөөр шэнэ, һаяын бүтээлнүүд гэжэ музейн хүдэлмэрилэгшэд тайлбарилна. Хургуулинуудай, хүдөөгэй музейнүүдхээ асарагдаһан эдэ экспонатууд баһал һонирхол үүсхээ. Тарбагатайһаа уран бүтээлшэ Н. В. Медведевой, Ехэ-Хунилаһаа Р. А. Ковалевон үйһөөр, модоор хэһэн бүтээлнүүд - гэрэй хэрэгсэлнүүд, Ехэ-Хунилын дунда хургуулиин хурагшадай оёһон, нэхэһэн зүйлнүүд выставкэдэ ерэхэн зоной анхараһан татаһан байха.

Музейн үшөө нэгэ зал соо уран зураашадай-шэмээшэгүүдэй бүтээлнүүд табигдаба. Россин Федерациин габыата уран зурааша А. П. Хомяковой, Буряад Республикын арадай уран зурааша М. Е. Метелкинагай зурагууд, Буряад Республикын уран зурааша М. З. Олейниковэй шэлээр хэһэн бүтээлнүүд уран найханай музейн жасада оруулагданхай юм.

Энэ выставкын материалнуудые Ц. Сампиловай нэрэмжэтэ уран найханай болон этнографическа музейнүүдэй хүдэлмэрилэгшэд - С. Ф. Очирова, О. В. Чечеватова, Н. Р. Павлова болон бусад зохёон гуримшуулаа. Энэ үдэр выставкэ нээлгэдэ олоор сугларһан зон шэмээшэгүүдэй ажабайдалтай, урлалтай гүйсэд танилсаха аргатай байгаа гэжэ тэмдэглээ.

Выставкэ үшөө хоёр нара үргэлжэлхэ, тиимэһээ хотынгоо хүн зоние, айлшадые ерэхэ харахыень уринабди.

Т. ЦЫРЕНОВА.
ЗУРАГ ДЭЭРЭ: выставкын үдэ.
 М. ШАНТАКОВОЙ фото.

